





同治即墨縣志



(清)林溥修
(清)周翕鏞纂

本書十二卷首一卷，據清同治十二年
(一八七三)刻本影印。

續修即墨縣志序

昔人謂修史難修邑志尤難蓋言始創者也正體裁嚴去取實事求是成一家言又事繁一邑非有鄉之賢士大夫抱殘守闕徵文考獻無以信今傳後洵乎其難矣若因而續焉則與墨邑濱東海自齊封即墨大夫始見書傳嗣是田單破燕田橫入海王吉王駿之高風童恢薛宣之政績加以幅幘之廣文物之盛生植之饒土風之厚仙靈之勝境山海之奇觀史冊所載蔚然美備顧自唐宋以來書闕有間故家遺俗人往風微凡諸紀載僅存什一於千百而又所聞異辭所傳聞異辭於是欲彙爲成書夫豈易易者墨之有志自前明萬

即墨縣志

序

歷中武清許公鉅始而繼之者則

國朝乾隆間大興尤公淑孝也許修志時當號疲邑無所徵信而博採羣籍手擬義例泊尤志則益以百四十餘年掌故又得邑前輩藍重穀楊玠諸家彙本正訛辨錯刪繁就簡於疆輿沿革封建源流以及山川古蹟選舉人物賦役藝文無不精賅簡括視許志加詳是二公先後已力任其難矣閱今又百三十年未嘗從事於斯戊辰之春余觀政此邦值兵燹甫靖諸務未遑讀舊志鉛槧漫漶慨然有志而未之暇也明年周明經翁鎮以所輯邑志正誤見示徵引博瞻喜其先得我心因屬明經暨黃孝廉念昀與邑師生留心掌故者議分任

其事廣爲採輯而余總其成體例仍舊而不嫌沿襲門目不

改而畧有損增於前志之闕者補之誤者正之漏者增之複者刪之格於例而未入者考而載之得諸聞而異辭者辨而存之遺文軼事懿行嘉言必徵之實不敢道亦不敢濫也里閭編氓窮簷婦孺有一言一行可歌可泣雖微必錄則與人爲善之意也於苦節幽貞倍加謹焉匪特表微闡幽亦使人慨想芳烈以勵薄俗厚頌風也至於縉紳右族必以歿後三十年之例協鄉評抑倖濫實備賢者義如是爾既脫棄而讀之百三十年來廢墜之業散軼之典綱舉目張纖悉咸萃無不躊躇滿志焉而咸以爲難余曰是役也以舊志爲先導則

即墨縣志

序

二

前事可師得同志以集成則衆擎易舉且因而非創續而非修夫何難哉然而有難焉者固在彼而不在此也土宜舊稱饒沃今之凋弊何如也則興復難文物昔號蕃昌今之衰歇何如也則振作難戶口不增民氣未復也則休養生息難爭訟繁多民德未興也則漸摩教訓難他如海口禦外侮舊制久弛何以思患預防山民鮮蓋藏荒歉轉徙何以招徠安集此又難之又難者也所賴者民樸而魯俗強而直縉紳尚禮節士林重行誼萑苻不作而桴鼓無驚征稅有常而輸將恐後此則其所以易亦幸斯邑者所厚幸者也後之有斯民之責與都人士志切桑梓者毋玆於其易而勉爲所難鼓舞其

人文敦厚其風俗吏治日隆上繼童辟之軌人才蔚起接武
二王之風蒸蒸焉日新月盛爲志乘之光焉豈不懿歟而余
區區續志集諸賢之力以存故事於簡畢難云乎哉顧承乏
五稔於前所謂難者無尺寸之效今且去此心滋愧矣然則
謂之畏難苟安焉可謂之知難而退也亦可是爲序
同治十一年歲次壬申嘉平之朔

陽進士出身

誥授朝議大夫知府銜卽補同知直隸州升任東平州知州知卽
墨縣事揚州林鴻序

卽墨縣志

序

三

舊序

史有美刺志惟表彰二者不同古何以謂志與史相爲表裏蓋史
具百世之勸懲志爲一方之攷據故邑之有志如國之有史舉凡
政教人文忠孝節烈之事發微闡幽信今傳後固足以垂諸永久
而要不能不藉後之人隨時較訂者誠以沿革廢興滄桑更換賦
役土田之增損學校選舉之盛衰且履祥徵應易致傳訛潛德幽
光常虞湮沒故有一代之典章人物卽有一代之建制修明非若
國史之成可一勞而永逸者也卽墨古稱盛地勝蹟名流傳諸史
冊宜乎邑志臚陳燦列乃自前明萬厯至今百七十餘年未有踵
修之者余來守東萊檢閱及之模糊漫滅亥豕難分嗟乎夫豈謂
卽墨縣志序

志爲無足重輕乎抑將有所待以成之也尤君北平名士寧是邑
者有年撫字之餘留心修舉於凡國計民生之要如城垣學舍
道路津梁莫不次第整葺殆所謂日計不足月計有餘者其於邑
志平日所以蒐羅採訪者具矣於是設局致士參核較訂閱數月
告成而請序於余余既喜尤君之成是志也益信志之有所待以
成也爰述其梗概而爲之序

乾隆二十八年嘉平月知萊州府事吳趨汪圻撰

邑何以有志志者志也禹貢志山川土物周禮職方氏掌邦國圖
籍以周知其利害是也志者史也班固作十二志而附於史陳壽
撰三國而名以志是也然則邑之有志豈徒誇山川之奇與物產

之盛乎備掌故存文獻於是乎取明王事揚風教於是乎託貞淫
奢儉古今風會之代遷寬猛剛柔良有司撫馭之具宜於是乎考
以此數者故修明不容墜焉余以甲戌九月承乏茲邑下車之始
周覽疆域土不曠而民不游可以爲善國矣乃索其志乘則斷簡
殘編莫辨魯魚蓋纂於武清許公成於萬厯戊寅在前明已六十
餘年闕續我朝重熙累洽文治覃敷康熙二十八年業有明
詔令海內各修志乘以大一統之模顧茲山海傑壤獨無所藉手
以對休命其謂之何因不揣固陋急欲謀之紳士振興斯舉以歷
年之錢穀未完城郭之殘缺未葺志焉未逮癸未春邑人向余曰
公之蒞斯土也十年矣時和而歲豐政成而事集獨邑志多年未
卽墨縣志

序

二

續久屢公懷此其時也敢以爲請余曰唯唯繼出邑人所輯志稿
數冊曰取材證實盡於斯編所謂千狐之白集而爲裘者也余曰
唯唯遂於其秋延致高陽雪崖李公及邑中博綜能文者四五人
開局纂修凡四閱月而告竣展卷讀之質而文燦而理幅員百里
上下千年如指諸掌而且導揚託諷寓於無窮蓋得史氏之遺風
與夫綽旦起伏者勞盛也何以使山之利歸民而無槎櫟之傷乎
汪洋浩瀚者東海也何以使海之利歸民而無斥鹵之歎乎人有
臧否事有得失賦役戶口城衛有盛衰堅瑕何以尊美屏惡興廢
舉墜而使海隅下邑屹然視大國風乎余不敏愧無以造福茲邑
庶幾後之作牧者有所考鏡往跡式煥新猷以勿墜三大夫童府

君之烈也則此志爲有賴也夫乾隆二十八年歲次癸未仲冬津
康方正六品頂帶知卽墨縣事北平尤淑孝撰

許志序論凡例

萊七邑卽墨其一也在膠水之東勞山滄海之間蓋東方勝遊之
地多禪室仙窟其地利魚鹽王鄭政績經學載在史傳以故士富
文藻矜功名其淵源蓋有所自墨古名邑信哉隸萊足爲萊重乃
今談理者往往難之令其土席未煖且議而去遂號爲疲邑較昔
迥不侔矣歲丁丑河陽高公來守萊一新百度尤注意於墨思起
其疲復昔日之盛非得人不可是歲冬余以郡倅來視其業且幸
河陽公之命求其疲之故而起之始至顧瞻山海引領城郭曰壯

卽墨縣志

序

三

哉邑此何以疲無乃宦其土者之過與升其令之堂聞其厥緒
其課治積逋懸欠暴暴然抵學宮門廡堂齋大頽師生展禮闕說
至無其所己欲取其志諦觀之諸生曰墨未有成志余喟然曰民
困而斂日急學頽而士不率邑乘不存文獻無考墨信疲邑於是
振刷其政請於撫巡藩臬謀葺其學宮以志屬諸邑博杜子迦歲
爲萬厯戊寅武清許君以調繁來令是邑秀姿清標天威玉立河
陽公謂起墨之疲必得人而後可許君蓋其人也余授篆歸萊不
數月政報有節民樂輸賦日登學宮鼎建志亦脫藁來矣時撫台
汝南趙公攜兩道福清魏公古衡蔡公問俗道勞山題石其上山
川若增而麗徙者歸遊者農貿易者通欲復古之鏡可計日待也

學官蓋諸生爭先淬勵王鄭政績經學芳躅可繼墨古名邑亦可
爲今之名邑也隸萊足爲萊重疲於邑何有河陽公謂起墨之疲
必得人而後可信哉信哉披其志外極其規模之大內悉其條理
之密其中如山海之奇沿革之異政治之得失俗化之美惡人物
之臧否雜物撰德斷簡遺文罔無備載且間爲論列有感今思古
補弊救偏之意是志也可以觀矣蓋杜子輯之而許君成之也先
是余同寅延慶賈公內黃李公有事卽墨釐弊考成均有勞焉於
墨疲之起而墨志之成也其功良不可誣因竝志諸首簡

萬曆七年秋七月同知萊州府事三河羅潮書

環海皆郡縣也土有豐瘠俗有澆樸蓋什百其狀矣卽墨盛於昔

卽墨縣志

序

四

史傳有之今青齊疲邑卽墨稱首焉人之言曰墨之疲二惟窮與
頑仕者披圖每視爲信然余初授晉長子劇邑也再授衛之莘衛
邑也三授今卽墨又衆所謂疲邑也余懼焉疲而窮猶可爲也疲
而頑難乎理矣旣抵其郊耕居土之十五鮮林木罕廬舍蒿萊極
目觀之悽阻疲而窮信矣入其邑薦紳先生以及青衿之士下至
齊民有等有容相接之儀都甚居無何召其民旅至有徵發如機
而應與之約百不一爽晉衛之民不是過也頑何有哉蓋至窮莫
如卽墨至樸亦莫如卽墨疲於窮而不疲於頑人言可盡信乎其
地三面瀕海右伏馬鞍北至靈峯二勞拱其南天柱維其東形勝
爲東方冠以故桓侯大其封安平致其勝鄭以經達王以政顯流

金鑄石炳炳未泯史稱卽墨之饒車轂擊人肩摩以今山川微之
殆非虛語也第僻處海隅不通貿易其民長於任質短於謀生令
數易於上法屢變於下以弊易弊日虧日損民之窮而地之蕪有
由然哉然山海之區天地敦固之氣發洩未盡民多質實少僞有
至長老不見綺麗俗尙簡陋萬巾章屨齊以東之民見而笑之曰
野不知論治者固猶深爲世道幸也取質實少僞之民而定其令
與之休息窮可豐而俗可隆墨之理固易易矣余無他能第先取
其令之不便於民擾其業而匱其財者悉刪而去之徙者歸居者
勸耕其土者十且八九已奉檄取其賦役之籍而定之如其數不
減其額而損之益之與民宜之決歲賦充役足公上有供而私亦

卽墨縣志

序

五

無告病者又賴上之人爲之破其禁令通其貿易墨之饒且盛雖
不能追古昔其窮可日豐而俗可日隆益信墨之易理也人言疲
而頑可盡信乎夫墨地形甲於東方士顯經政民多質實蓋佳邑
也顧邑以疲名而民以頑稱墨之受誣非一日矣余不能起墨而
俾就於理可誣墨而不易其名耶海內郡縣豐瘠殊土澆樸異俗
而天理之在民心者未嘗亡也有司者不惜民之窮而求其豐先
逆民以頑而使之信不可得已盡不惜民之窮則棄土爲墟先逆
民以頑則瀉民亦狡何也上之所導者然也卽墨之疲在上而不
在下也明矣嗟乎獨一卽墨爲然哉墨舊無志問俗者靡徵於文
獻故信樸爲頑官茲土者懵懵然莫克奉以周旋間有獲輿爲民

計值已臆罔攸宜民於是苦易爲難無怪也先是郡貳守羅公來視邑篆屬邑博杜君編輯焉杜君大梁文人治於掌故方毅然任之余適至復緯其槩而督之尙未就已奉撫台趙公檄取縣志於是分編周生都輩於學宮刻期報成豈天欲挽墨之疲而速成其理歟余閱之匪直條悉事實完百餘禩未暮之典而士俗民艱利病規戒之問尤諳至詳切俾後之問俗者無目爲頑遊墨者無苦其難墨人且永賴之矣則是志之成所裨益於墨豈渺小哉是役也訓導孫君緯鍾君祿司騰錄縣丞楊君采典史徐國美督梓工皆得附書萬歷七年夏五月知卽墨縣事武清許鉅序

夫志者志其事其取意有所觀采以明作者之志也先王定寰宇

卽墨縣志

序

六

沿革九州滄海而東咸青分也吾萊子國屬焉卽墨又萊子屬以其地臨墨水故名虛危之度實在邊鄙故俗樸而儉非貨物交易之區僅采山釣海之利誦法詩書桑麻長焉三大夫餘烈颶風王鄭之徒其風采有可想見逮邇不然沂災既作塵垢不倫詩書未墜桑麻之業邇矣田賦未悉當戶子艱之以是稱疲疲久而頑豈天性然哉於是邑大夫咸以爲難是未究其原矣燕南許君以他邑移吾邑大夫入境務求便民業以裕民財運遷徙而勸耕稼未期年而民稱足河陽公所謂必得人而起之豈虛語哉先是郡大夫羅公奉部使者檄來握是篆時乃屬邑博杜公籍邑志亡何大夫至大夫既先民務而境內宴然百廢具興矣爰督籍是志

亦已卒業山川疆畫則擊轂摩肩而稱盛矣青衿翩翩庠序興焉樹藝日蕃蠶績日盈先公我侯田賦無怠輸矣孤女抱潔義士含恩逸文逸傳按圖若指諸掌觀感而各有興焉則是志也關吾墨豈淺鮮哉余獨謂他日司守者之私淑則三大夫之績可稽大夫之政化以被吾屬暨吾民者無已吾又幸王鄭之流風颯然在目則吾屬洎吾青衿子弟當無爲前賢累矣咸相勗焉萬歷庚辰秋知萊縣事邑人黃嘉善書

論曰天地初判萬物權輿聖人作規天條地畫爲九州各居其方卽墨地環東海青州之邊幅也今之卽墨非復聖人規條之舊矣然勞山永奠渤海不遷今猶古也記有之克州可移而河漢之克

卽墨縣志

序

七

州不可移梁州可改而華陽黑水之梁州不可改卽墨豈不信然乎哉故志氏首地理重土宇究本初也土宇定建置行焉建置有先後歷述之據今爲正存興廢遵時制宜爾也建置行矣其務莫先於成民民者邑之本食者民之天教化之本原也故田賦戶口次之田賦有加損戶口有增耗備述之治理之得失天運人事之隆替關焉古之人先成民而後致力於神詩曰迺慰迺止迺疆迺理又曰縮版以載作廟翼翼田賦戶口定矣祠祀不容緩也故志秩祀治民事神官師責也故志官師有官有師政教行焉政教多端得人實要夫子謂澹臺滅明曰汝得人焉爾乎卽墨不啻武城之淵才賢之藪也選舉所出彬彬乎稱盛矣故志選舉山川

良翁而靈秀發經術流貫而人文萃我國家列聖相承又有以振
宣而培植之以故選舉之所得閭閻之所伏蘊之爲德行措之爲
事業貞金烈士彪炳後先可不謂人物矣乎志人物於選舉之下
見人才之有咸邑里增重邦家生光矣始於地理及於人物墨之
重且大者固不具載典要所存不敢畧也其他今昔相傳見聞多
端進之則拂經廢之則闕考齊諸稗雅舊史俱存可盡除乎故雜
以志之輕重見邪正分焉凡既備矣志已可以已矣至於發摭於
人心紀載於山川表見於形勝勒金鐫石輝竹映楮文章歸焉文
之朽者與化俱徂其不朽者斐然在也故終之以藝文見夫子游
息之意而俗化之美惡古今之升降亦於是乎可考焉此其綱也

卽墨縣志

序

八

其目六十有四其意各叙於後云

一別古今志不編年古今竝載人物品題以古爲重憲前哲定後
世之儀型制度因革以今爲正明法守示一代之章程 一分綱
目不著其綱則碎而不整不列其目則繁而不詳綱以提其要目
以悉其凡 一記故實史實錄也志者史之餘可妄作乎典籍聞
見的然者書之舊志具載而可疑者存之以俟私意加損纖毫不
容 一嚴體裁志人物賢哲惟取其化者遠者錄之生而近者則
否俟定論杜倖諛也故科目列名第書官銜而已雖有曠然者不
載 一辨先後體要所存爲一邑之重者志之正也往迹所昭或
拂於經或離於道者志之變也竝載之叙有先後辭有詳畧觀者

當自得之 一原述作墨志舊本莫考其襲之傳於今者范周解
孫手筆也今志多因之間或附以己見亦野人美芹之意云爾所
賴以糾正者後之君子也賜以藥餌矜其愚頑有深望焉萬歷己
卯卽墨縣教諭大梁杜爲棟撰

卽墨縣志

序

九

許志纂修姓氏 明萬曆七年

知縣許鋌縣丞楊采教諭杜為棟訓導孫緯訓導鍾祿典史徐國美生員國有道生員周都生員王公相生員王芝生員胡從順生員解其禮生員黃錫善生員黃兼善生員盧嘉會生員楊懋林生員孫丕揚生員劉從政儒生劉可教

核刊姓氏 萬曆十一年

知縣王三聘縣丞姚椿主簿柳世忠教諭張希朱教諭陶性訓導何愈訓導劉仕典史李世美

卽墨縣志

許志纂修姓氏

續修邑志姓氏

鑒定

萊州府知府福潤

萊州府同知汪昉

總輯

卽墨縣知縣林溥

分輯

歲貢 生周翁鑽

候選知州揀選知縣黃念昀

參訂

卽墨縣志

續修邑志姓氏

代理卽墨縣知縣胡廷耀

卽墨縣知縣麥瑞芳

協參

卽墨縣教諭王茂德

舉人韓丕耀

校對

歲貢郭由章 廩生劉夢南 拔貢劉廷楨

廩生李希嶧 增生杜光斗 增生江清先

附生楊可詵 附生周豫誥 附生周瀛文

附生于正字 附生范鹿泉

採訪

舉人仇維堂 舉人周徵儼 歲貢于正德

歲貢隋占達 歲貢曹文鑑 歲貢張從南

教職趙君佐 廩生黃肇頤 廩生周諫科

廩生黃肇頤 廩生矯希賢 廩生趙仁輔

廩生藍志蘊 廩生江應選 廩生孫雲錦

增生王應階 增生周希鼎 附生王嶽雲

附生袁其俸 附生王鴻泰 附生管學產

附生仇鳳泉 同銜任峻德 從九品胡乃璇

從九品任敏年 童生王家相

卽墨縣志

續修邑志姓氏

二

督刊

典 史馮 祺

舊志纂修姓氏 乾隆二十八年

裁定知縣尤淑孝

修輯前汝陽縣知縣李元正候選教諭周澤晉候選教諭藍中高

廩生黃如鑑增生楊中準

參校教諭徐兆麟訓導孫健廩生黃如珂生員黃如琰候選知縣

郭獎監生黃如愚

採訪廩生董友益廩生藍仕任廩生黃如鈞監生于江元生員孫

汝瑛生員范中蘊生員黃楷生員李普生員華本生員孫希岳

纂輯志稿增生藍重毅拔貢生馮文炯附生藍重蕃增生范九皇

附貢生郭廷翼廩生孫士斗

卽墨縣志

舊志纂修姓氏

一

督刊典史劉承鎮

舊志凡例

一邑志自前明許公創修後未有續者邑人藍重穀馮文煥范九
臯藍重蕃郭廷翼輯有志稿今志以許爲宗其志稿所載及續
增者依類補入

一墨邑沿革圖考及封建源流邑人楊玠所纂述最爲詳明今皆
因之孫士斗有志辯一書正誤訂訛亦多採取焉

一卽墨故城在今平度州界今卽墨爲其南鄙分疆雖異溯源則
同故凡秦漢以來事與人有關於墨者概不敢遺

一鰲山衛自雍正間裁併歸縣凡入志者各以類從不另起例

一舊志敘次山川自近及遠今按四方敘尤便省覽名勝所關無
卽墨縣志

舊志凡例

一不備載其山不過培壤水比於潢汙者畧之

一古蹟塚墓如韓信母墓漢武塚之類舊志頗涉荒誕非逞臆見
聊正紕繆

一文廟祭器樂器樂章禮儀雖闕典故然非一邑所獨今概從畧

一先賢先儒位次亦不煩縷述名宦鄉賢以下詳之

一賦役以

國朝定制爲主而耗羨自雍正間改公項尤屬良法志稿遺之今
補入至許志所載前明規條茲不復贅

一志例有美無刺許志職官一門褒貶並列頗與選舉人物不倫
今概刪削

一選舉仿職官例兼列附傳事有繁簡聞有詳畧非故爲區別也
要之吉光片羽如覽德輝之全其爲表章一而已矣

一人物蓋棺後定取遠軼近許志主之深得日久論定之義今以
歿後三十年爲準事經一世則輿論協賢否判矣未錄諸賢姑
俟異日

一閭閻節烈窮鄉僻壤易致湮沒今參活法年例相符蓋棺卽錄
現存者以六十爲準其已膺

旌典者不在此例

一藝文必切合邑事或有關國計民生者錄之若慰問贈答之詞
風雲月露之章墨人文淵藪作者林立勢難盡載概從節省

卽墨縣志

舊志凡例

一朝廷曠典及兵荒災異關一邑休戚者志爲大事其他怪異恍
惚之事別有雜稽以備異聞

一寺觀自名山古刹外無關形勝者不錄

一寺觀舊入建置釋道方伎舊入人物似非崇正黜邪之道今統
歸雜志

凡例

一舊志修自乾隆間沿許志之舊又得邑人藍君重穀諸家稿本詳考畧備今志斷自乾隆二十八年以後不改舊例止採集百三十年來事迹以增入焉於舊志闕者補之謬者正之管見所及亦間更易一二續而已矣以云修也請俟後賢

一墨邑兩經兵燹百餘年來文獻散軼寔多銜署舊卷亦多腐朽採據殊艱茲山長黃孝廉念的暨諸君廣為採訪僅得事實如左並參以周明經翁鎮正誤稿本以纂集焉如有掛漏以待續者

一疆輿為一縣綱領圖說尤宜詳悉舊志頗簡畧今按脈絡法分即墨縣志

凡例

繪凡鄉社遠近河道起訖山川海口俱一覽瞭然

一舊志星野頗畧且誤今按通志郡志及邑人楊萬曉所議更正一舊志以文廟祭器樂章及先賢先儒位次非一縣所獨均未載入竊謂春秋釋奠典禮崇隆不遺一邑正宜詳載俾執事者以時肄習昭慎重焉今志仍補入

一人物舊志以歿後三十年為斷今仍其例至忠義節烈共見共聞及業邀恩卹者不用此例編氓婦孺間有一言一行可泣可傳者亦從寬例暫附雜稽以資激勵

一列女舊志所載已多經三次採訪節烈兩次殉難婦女得四千餘人志隘難以備載邑人已刊節孝錄詳紀事實茲志僅紀年

月人數以備查考

一藝文凡有關於墨邑文獻者載焉其他鴻文鉅製諸家各有專集行世概不採錄至傳記行狀已錄事實入列傳者亦不復載以免重複

一墨邑環海商舶海運之所必經前明汛防喫緊今昔異勢舊志摘載大畧今就郡志通志所載南北海道及汛防之有關墨邑者載入雜稽資參考焉

即墨縣志

凡例

卽墨縣志目錄

卷之一

方輿志

星野

山川

物產

卷之二

建置志

城池

里社

卽墨縣志

坊表

卷之三

學校志

廟制

卷之四

武備志

營汛

卷之五

賦役志

戶口

沿革

島嶼

古蹟

風俗

衙署

壇廟

市廛

堤堰

塚墓

郵養

學署

學田

義學

墩堡

郵驛

海口

田賦

徭役

封建

遺愛祠附

橋梁

一

一

一

一

一

一

一

一

一

一

一

一

一

一

一

卷之六

職官志

官師

卷之七

選舉志

薦辟

貢士

例任

卷之八

卽墨縣志

名宦志

吏治

卷之九

人物志

名臣

經儒

僑寓

卷之十

藝文志

文類上

耗羨

鹽法

權稅

倉儲

將備

進士

舉人

武科

褒封

將材

恩蔭

武功

勲績

忠節

孝義

文學

懿行

隱逸


列女

文類中

文類下


著述

星野圖




即墨縣志

縣境圖



二

即墨縣志




即墨縣志

山川脈絡圖



三



卽墨縣志

圖

四

邑山水脈絡祖巨峰北結標山蓮花山淮涉河北源自蓮西岡出
 脉是中幹西結盟旺山爲城青龍星西鋪平結城淮涉河抱於南
 此中幹大勢也左幹自蓮西南脊西行起數峰抱至盟旺山東南
 此左幹大勢也左護衛分三支一支自三標北山西行結天井山
 抱至盟旺山之南一支自三標出結鐵旗山石城山淮涉河南源
 井山西與北源合又西北結大廟北分枝結舞旗埠發於此到天
 流抱城入蓮西河又西北結大廟北分枝結舞旗埠墨水河發源
 北入淮西分枝結登高埠抱至城西一支自鐵旗西結馴虎山爲
 城朱雀星又西北結無影山抱至城西土橋頭河由山北此左護
 衛大勢也右幹自蓮西北脊北行東轉數十里至周疇廟嶺周疇
 源於蓮西到周幹中節西分二支一支自蒲渠北嶺外分枝西穿
 嶺東北入東海


卽墨縣志

圖

五


田五沽河源於五道泊北流西轉入沽河遠至石泉頭西起南北
 長嶺嶺北中節西分枝結靈山爲城元武星孟沙河源於山後西
 河源於山前嶺南中節西南分枝結馬鞍山爲城白虎星遼西河
 向西南入海洪江河一枝自泉河頭西嶺外分枝西北結太平山
 由山西向西南入海一客旅店河源於山又南轉東行結大山又結金口鐘山此右幹大
 勢也右護衛自三標北山向東北結四舍山又北起梁山湯泉河
 東向東南又東結錢穀山又東北入島裏結丈二山又東起老山
 菴北行結荆條山雄崖所白馬島南行至普蕉山東轉北回到大
 王山又結公平山龍灣河源於普蕉山東向北餘枝自普蕉東南
 結黃山又東北結梯柁島此右護衛大勢也若夫嶗山南北數十
 里山水東行者分數支如天柱山東南之山爲一支驢馬山東北
 之山爲一支華嚴山正東之山爲一支俱有水山水西行者分數
 支如大嶗山西北之山爲一支南環白沙河白沙河源於巨峰西
 石門山西南之山爲一支哈亦西南之山爲一支旱河西南之
 山爲一支俱有水餘支不勝枚舉此嶗山左右大勢也總之自巨
 標蓮花三山北至太平山山以東水盡東流入東南海山以西水
 盡西流入西南海由此細察山水脈絡庶得大略焉同治癸酉十
 一月邑人韓丕耀識

即墨縣志
城池關廂圖



六

即墨縣志
縣署圖



七